

সম্প্রীতি

“শান্তিপূর্ণ সহাবস্থান শক্তিশালীকরণ প্রকল্প” এর কার্যক্রম সম্পর্কিত মাসিক বুলেটিন। প্রকল্পটি ইউএনএইচসিআর-এর সহযোগিতায় কোস্ট ফাউন্ডেশন এর মাধ্যমে বাস্তবায়িত হচ্ছে।

জুন ২০২০

স্থানীয় ও রোহিঙ্গা যুবকদের নিয়ে বিশ্ব শরণার্থী দিবস ২০২০ উদযাপন

“বাড়ি থেকে দূরেও আশা- এমন একটি বিশ্ব যেখানে শরণার্থীদের সবসময় অন্তর্ভুক্ত করা হয়।”



বিশ্ব শরণার্থী দিবস উদযাপন উপলক্ষে আয়োজিত চিত্রাংকন প্রতিযোগিতায় হীলা মঈন উদ্দিন মেমোরিয়াল কলেজের ছাত্র ছাত্রীরা অংশগ্রহণ করেন। ছবি- শাহাজাহান

বিশ্ব শরণার্থী দিবসে সচেতনতা বাড়াতে এবং শরণার্থীদের সাথে সংহতি প্রদর্শনের জন্য ২০ জুন কোস্ট ফাউন্ডেশন, ইউএনএইচসিআর এর সহযোগিতায় টেকনাফ উপজেলার হীলা মঈন উদ্দিন মেমোরিয়াল কলেজের শিক্ষার্থীদের নিয়ে ১টি চিত্রাংকন প্রতিযোগিতার আয়োজন করে। প্রতিযোগিতায় ৪৮ জন ছাত্র/ছাত্রী উপস্থিত ছিল এবং বিজয়ীদের মাঝে পুরস্কার বিতরণ করা হয়। অনুষ্ঠানে অতিথি হিসেবে উপস্থিত ছিলেন কোস্ট সহকারি পরিচালক জাহাঙ্গীর আলম, মঈন উদ্দিন মেমোরিয়াল কলেজের ভারপ্রাপ্ত অধ্যক্ষ আ ন ম তৌহিদুল মাসেক, মঈন উদ্দিন মেমোরিয়াল কলেজের ট্রাস্টি সদস্য ইব্রাহিম খলিল। চিত্রাংকন প্রতিযোগিতায় অংশগ্রহণকারীরা শরণার্থীদের বিভিন্ন দুর্দশার কথা চিত্রের মাধ্যমে ফুটিয়ে তুলেন। অনুষ্ঠানে অতিথিরা বিশ্বব্যাপী শরণার্থীদের অবদান, অধিকার, মর্যদাকে স্বীকৃতি দেওয়ার বিষয়ে জোর দেন। আ ন ম তৌহিদুল মাসেক বলেন, “বাংলাদেশে রোহিঙ্গা শরণার্থী সংকট একটি মানবিক সমস্যা। সংঘাত ও নিপীড়নের কারণে বিপুল সংখ্যক রোহিঙ্গা জনগোষ্ঠি বাংলাদেশে আশ্রয় নিয়েছে। বাস্তবায়িত রোহিঙ্গা জনগোষ্ঠীদের খাদ্য, বাসস্থান, স্বাস্থ্যসেবা এবং মৌলিক সেবা প্রদানে বাংলাদেশ সরকার ও আন্তর্জাতিক দাতা সংস্থা কাজ করে যাচ্ছে। কিন্তু সংকটের দীর্ঘায়িত প্রকৃতির জন্য রোহিঙ্গা শরণার্থীদের কল্যাণ ও ভবিষ্যৎ সম্ভাবনা নিশ্চিত করতে টেকসই সমর্থন ও দীর্ঘমেয়াদী সমাধান প্রয়োজন।”



“ক্যাম্পে শান্তিপূর্ণ সহাবস্থানের উন্নতি ও অপহরণ প্রতিরোধে রোহিঙ্গা যুবকেরা সচেতনতা বাড়াবে”

বিশ্ব শরণার্থী দিবস উদযাপন উপলক্ষে ইউএনএইচসিআর এর সহযোগিতায় কোস্ট রোহিঙ্গা যুবক ও রঞ্জিখালী অলস্টার ক্লাব সদস্যদের নিয়ে একটি বন্ধুসভার আয়োজন করে। উক্ত সভায় শরণার্থীদের মর্যদা, শান্তিপূর্ণ সহাবস্থান এবং সাম্প্রতিক সময়ে অপহরণ বিষয়ে সচেতনতা বৃদ্ধি বিষয়ক আলোচনা করা হয়। ক্যাম্পে শান্তিপূর্ণ সহাবস্থানের উন্নতি ও অপহরণ প্রতিরোধে রোহিঙ্গা যুবকেরা সচেতনতা বৃদ্ধিতে কাজ করবে এবং স্থানীয় যুবকদের সাথে সৌহার্দ্যপূর্ণ সম্পর্কের উন্নয়ন ঘটাবে।

কাজের লক্ষ্যমাত্রা ও অর্জন, জুন ২০২০

কাজের নাম।	লক্ষ্য মাত্রা	অর্জন
বিশ্ব শরণার্থী দিবস উদযাপন	১	১

টেকনাফে স্থানীয় ক্লাব সদস্যদের নিয়ে বিশ্ব শরণার্থী দিবস উদযাপন

২০ জুন হীলায় রঞ্জিখালী অলস্টার ক্লাব ও দমদমিয়া যুব কল্যাণ সমিতির সদস্যদের সাথে শরণার্থীদের দুর্দশা ও মর্যদা বিষয়ে সচেতনতা বাড়াতে বিশ্ব শরণার্থী দিবস পালন করা হয়। অলস্টার ক্লাবঘরের আয়োজিত আলোচনা

সভায় উপস্থিত সদস্যরা শরণার্থীদের অধিকার, মর্যদা এবং শান্তিপূর্ণ সহাবস্থানের গুরুত্ব নিয়ে আলোচনা করেন। দমদমিয়া যুব কল্যাণ সমিতির সাধারণ সম্পাদক শহিদ মাহামুদ বলেন, “ বাংলাদেশে রোহিঙ্গা শরণার্থী সংকট

সমাধানে আন্তর্জাতিক মনযোগ ও সহায়তা অত্যন্ত গুরুত্বপূর্ণ। রোহিঙ্গাদের ফিরিয়ে নেওয়ার জন্য মিয়ানমারের প্রতি চাপ তৈরী করতে হবে।”

প্রয়োজনে আরো তথ্য ও যোগাযোগের জন্য মোবাইল: ০১৭১০-৩২৮৮২৭, ইমেইল: Email: Jahangir.coast@gmail.com ওয়েবসাইট:

www.coastbd.net